

國方志叢書·華中地方·第九〇六號

據

清·王維新等修，涂家杰等纂
清同治十二年刊本

影印

江 西 省

義寧州志

(二)

成文出版社有限公司印行

義甯州志卷第六

地理志

名蹟

古艾城 在州治西七十里崇鄉四十九都龍岡坪夏商爲侯國春秋時吳公子慶忌出居於艾自漢以後爲艾縣隋開皇元年省入建昌今城故址猶存

西平城 在州治西一百四十里西鄉七十二都後漢書鄧通西平人即此地也有故城遺蹟及鄧通宅基存焉 按寰宇記稱吳太平二年以臨汝爲郡於郡南更置西平縣而此西平爲漢所立與臨川原不相混也

西安城 在州西十里高鄉三十六都百今志云漢獻帝建安
中置隋開皇元年廢 按今縣之高鄉西安里即故西安縣
治吳朱然封西安鄉侯即此

鄧通故宅 在西鄉七十二都近西平故城子姓尙有居其址
者 劉氏拾遺

吳猛故宅 在奉鄉南有東津山其側丹霞觀是吳猛故宅亦
名吳仙里 名勝志 猛宋封神烈真人

黃山谷故宅 涪翁先世居修水後乃遷於雙井在州西其南
溪心有二井土人汲以造茶爲草茶第一傍有釣亭從父黃
襄所築有手書釣磯二字鐫石下有水一泓題曰明月灣 名勝

據山谷作叔父和叔墓碣云祖元吉始宅於修溪之上蓋
亦修水口也距雙井二十餘里名勝志統言修水然雙井
山谷文始明

東湖居士宅

在奉鄉吳仙里宋徐俯建藏

御書處

祝編修故宅

在奉鄉宏濶開爽爲仙里壯觀今半爲客民鳩

居草蔓荒烟遺蹤猶多可指

按王元堵天發題謝坊新居

壁云曩祝太史文甫嘗築書房其中衣冠文物雄視諸村余

居適踵其趾則在元爲祝編修宅在明又嘗爲王孝廉宅矣

章杭山故宅

在高鄉杭山下石橋背基址猶存今仍杭山裔

所居基址後塍上原葬杭山母華國夫人車氏碑誌可考

冷學士故宅 在西鄉泰清冷覺齋二建後爲崙祠

舊誌訛載梅福宅引太平寰宇記在州東北三里接開元觀東西池書堂餘址尙存按梅福爲南昌尉州東北言洪州也且樂史撰寰宇記在宋真宗時此時甯州尙名分甯縣

劉彥哲故宅 在安鄉十一都上朗田明洪武間任北京御馬

監後授金銀監管理銀庫事務今門首石獅雲鼓屏牆猶存

里人呼爲獅子門

光祿第 宋余良肱建在城北迤西

祝編修第 元祝彬建在城西祝家巷

五馬第 明查仲道建在義井巷西側

尙書第 明周期雍建在秀水溝西即方用謙御史第故址

太常第 明周希令建門首有翰垣清卿四字門生文震孟題
現存在州西丁田里

太傅第 國朝萬承風建在安鄉十二都長茅萬家堰

孝子第 在州治鳳麓之下明孝子查孟泰建

芝臺書院 在崇鄉四十一二都

櫻桃書院 在崇鄉四十五六都宋黃中理築芝臺櫻桃二館

以延四方學者宋郊宋祁並至焉

徐氏金湖書院 在奉鄉書堂山去大里左側不一里故址猶

存山下基址成田僅存舊井居民嘗汲水於其中

流芳書院 在奉鄉流芳堰宋祝林宗建元御史朶兒不花題

額

山泉書院 在州治北社稷壇西嘉靖甲午知州蔣芝奉詔集眾創建內有習禮聽樂句讀書算四廳兩邊各建號房署後爲鳳山書院隆嘉中知州黃誥又立敬義文會所萬厯中知州陳以忠改爲分守道署會所遷於濂溪書院

鳴陽書院 在延安寺後陳存之所築藏有世德錄過庭訓

參前堂 在州西仁鄉前堂面竹竹外修溪溪以南幕阜山重疊無際後堂北桃李皆數十尺盛夏綠陰可愛名堂之義山谷云取立則見其參於前耳奉新胡直孺有詩及注

肥民堂 求瘼堂 靖共堂 俱在州牧署內宋知分甯縣蕭

從建山谷爲作三堂銘

輿地紀勝

禮賓堂 在奉鄉大里明新昌袁都督彬徵時客大里王氏留
款數日後彬從英宗北狩歸以功貴顯書禮賓堂三字旌王
氏至今子孫寶懸祖堂

追遠堂 在高鄉石觀宋章庭建徐忠愍禱嘗題其壁山谷過

宿書其後

山谷集

永思堂 黃氏所築初在雙井後遷鳳凰山

靈壽臺 靈椿臺 俱見黃山谷詩遺地莫攷

懇孝堂 在孝友巷內明查孟富建周季麟有記

聽月樓 在西鄉泰清冷覺齋學士宅後有聽月樓詩入藝文

圖書樓 在聽日樓前冷覺齋學士建

一經樓 在西鄉上源沙坪元翰林余復卿既第即歸養親築

一經樓訓子弟來學者越千里樂平朱克升爲之記據余氏舊譜在六十七都

環翠樓 明陳以蘊建在羅家壩基石尙存今謂金華寺址并

上全

藝樹臺 在崇鄉洞上山谷讀書處石磴齒齒古木千章一水澄澈可鑒洞上徑僻小塢內有八峯藏龍三洞深不可測菱湖頭高數十丈湖在嶺頭有屋有田其官塘櫻桃洞實竹源諸遺蹟皆可尋舊傳山谷洞中八景詩曰門庭藝樹接天荒

洗硯池留翰墨香霧散入峯仙鶴舞雲迷三洞老龍藏雨添
新水菱湖漲風過官塘夜月光日煖櫻桃花富貴烟成實竹
色蒼蒼雖不類涪翁本色語以紀實固當分別觀之 全上

森爽臺 宋黃大臨建在鳳凰山下

會仙亭 在奉鄉吳仙里去丹霞不遠中有昇仙街故址猶存

涪翁亭 在旌陽山麓濂溪書院側萬歷丙申史愈憲旌賢即

舊址重建俯瞰修水爲一州勝觀

舊州志及劉氏拾遺今亭爲書院之前

美魚亭 宋徐德占築書院於故基黃山谷詩云學書但學溪

老鶯讀書可觀樵父歌紫髯將軍不復見空餘巖桂綠婆娑

秀江亭 俯瞰修水宋分甯隱士吳叔元建黃庭堅嘗訪叔元

登亭題壁云崇甯元年四月己未朝奉郎新當塗太守黃庭堅來訪叔元晚登秀江亭澄波古樹使人得意於塵埃之外
併作詩紀其幽閒之勝

冠雲亭 在南山上宋黃庭堅題額

一翠亭 在南山宋分甯知縣趙崇和建

釣亭 在雙井側宋黃襄築

逸老亭 在雙井宋黃氏築

醒心亭 在城南

邀月亭 在城西

問春亭 在泰市旌善堂即其地

杏苑亭 在杏苑水濱宋蘇軾詩云繁花影浸碧波紅苑似桃
源勝境中不獨杏壇春晝永斯亭今亦繼遺風

桂香亭 在州西黃龍院側宋黃庭堅嘗游此與靈源師論禪
有時聞一陣木樨香之句後人因以名亭 明一統志

義民碑亭 在三王巷查氏歸樵所建胡儼有記

來蘇亭 在下武鄉羅大經鶴林玉露載修水深山間有小溪
其渡曰來蘇蓋東坡訪子由於高安過此後人建亭焉

溪亭 宋高至言築黃魯直有詩併序曰高至言築亭家圃以
奉親總其觀覽之富命曰溪亭乞余賦詩余先君傲廬望高
子所築不過十牛鳴故余未嘗登臨而得其勝處詩云逸人

生長在林泉更築亭臯名意在明戶清風共一家全以山川
爲眼界鳥度雲行閱古今溪濱木末聽虛籟老夫生平行樂
處只在許公分一派

南昌府志因州志列休亭賦於藝文遂標休亭爲州古蹟
按賦爲清江蕭濟父作故序中有清江之上王簡諸山等
語而自稱豫章黃某則休
亭不當列入分甯古蹟也

尊經閣 在州西南二百里上武鄉宋吉州同知帥天麟建虞
伯生爲之記詳州志藝文

雲巢 在雙井宋黃公準字稚川魯直弟也志趣高明嘗於櫻
桃洞結茆木杪號爲雲巢居士

放隱齋 宋黃厚建在州治西紫陽溪後小馬鞍山亭自爲詩

寄姪庭堅一時朝士和篇甚多張文潛集有和篇本云平生未識面試作阿咸君即爲山谷求和祖善詩韻也

青青軒

宋信州判官余彥倫建元祐七年中秋日黃魯直見

彥倫子天任早慧因字以莘老爲作說於是軒

信州志及山谷別集

寅庵

在雙井寅山之巔長林巨麓危峯四環泉石上肥宋黃

大臨結茅以居命曰寅庵有詩詳藝文

鳳山草庵

都御史周李麟築爲藏修之所諸名公多題咏

洗煩居

在犀津南岸明陳以朝宦歸還置於此故榜曰洗煩

百花莊

在武鄉三灘前朝劉德洪因賑饑奉勅賜僧有方竹

移植各菴寺是其遺種

石瓦山房 國朝萬文恪承風建在太傅第左內藏漢銅爵瓦
硯故名

雙井 在州治西十五里名勝志誤云三十里高鄉三十八都
山谷居此南岸溪心有二井上井深四丈下井深六丈沙石
過而不入土人汲以烹茶絕勝他處又取其水製茶味勝龍

團

愛蓮池 在州判署側按周濂溪先生年表任分甯主簿在康
定及慶厯初作愛蓮說在嘉祐八年五月判虔州時去分甯
將二十年不必官分甯日即嘗鑿池種蓮也然朱子守南康
亦寓其名於後圃臨池之信而刻其說置屋間則義甯州判

官署之有愛蓮池固亦景仰前徽者所不廢耳

筠陽池 在儀翔宮後

九曲池 相傳爲戴復古遺址在仁鄉水源有石方廣四丈其
平如掌於石上鑿成溝縱橫屈曲如篆石近水放水入石可
以流觴賦詩東西枇杷園蹟尙存

龍安寨 在州西九十里仁鄉五十六七都宋黃介保障處

古陽寨 在武鄉一百六十里逍遙山元胡宗武拒賊保障處

定江寨 在州治西南一百五十里武鄉二十三都元末巡檢

劉儼保障處

杉市寨 在州西一百里仁鄉五十六七都

仁和寨 在州東三十里太鄉六都元末土人陳文顯保障處

中峯寨 在州西南四十里武鄉二十六都元末周天與保障處

黑石靖 在奉鄉千秋觀

按西山十二真君傳許真君既除海昏巨蟒於經行之處皆留壇井凡七處通候時之地爲七其勢布若星斗之狀蓋以鎮弭後患謂進化靖御奏靖丹符靖華保靖紫陽靖霍陽靖劉真靖後皆爲宮觀千秋觀在宋宣和二年始建額此地本名黑石靖許旌陽所置也有新吳劉真君煉丹於此旌陽因逐老蛟迫修水望山中紫氣物色得之相賞爲友故又稱劉真靖

龍窟 在仁鄉五十八九都相傳旌陽逐蛟至此蛟欲作洪水

旌陽仗劍立水中至今池上一坻雖春漲四溢而坻不沒地

距 坪不遠土人呼爲龍窟